

ist dem hilgen Rike tho wolfart / vnd gne
dem / vnd tho erholdinge bestendiger ei
nigkeit / vnd fredens / ock vth anderen mer
bewegliken / redliken vnd gegrundedenn
orsaken / mit rhat der Erwerdigen / vnd
Hochgebarnenn vnserer leuen Neuen /
Ohmen / Korforsten / vnd Forsten / geist
licher vnd weltlicher Prelaten / Grafen /
herren / vnd Stenden des hilgen Rikes /
so vp dissem Rikesdage / alhir by vns er
schenen sind / wedderumb verniget / vppge
richtet / vnd nah gelegenheit / vñ nodturft
der tidt vnd saken gebetert / gemehret / vñ
erkleret hebben. Vernigen vprichten / be
tern / vermehren / vnd ercleren / densuluis
gen hirmit wetentliē / vnd in krafft dieses
brifes / Also dat von tidt diser vnser ver
kundigung niemand / wat werdē / standes /
oder wesens der sy / vmb keinerley orsake
willen / wo die namen hebben mechten /
Ock in wat gesochtem schine dat geschee /
den anderen beseith / bekrigen / berouen /
fangen / euerthen / belegeren / noch einige
verbatene Conspiration / oder bundnus /
wedder den anderen / vprichten oder ma
ken. Dat ock keiner den anderen / syner pos
session